

Asisko gutuna

2018ko maiatza. 3. printzipioa. Eguneroko bizimodua: kanporantz, elkartasuna

115. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Frantzisko Aita Santuak dio eguneroko bizitzan Jainkoaren arnasa aurkitu beharra daukagula. Horretarako gure begirada errealitatera zuzendu beharra daukagu, Jainkoa haragiztatu den mundu honetan aurkitu ahal izateko. Jainkoak gure historia honetan presente darrai. “Hauetako bati egina niri egin zenidaten...”. San Joanek dioen bezala, lagun hurkoa maitatuz soilik jakingo dugu Jainkoa maitatzen dugun.

Gogoetarako gaia

Justiziaren bila

Asisko Frantzisko mintzo garenean, erraz uztartzen dugu hura bakearekin, senidetasunarekin, pobreziarekin, ekologiarekin... Baina horiez gain bada beste alderdi bat, haren idazki eta biografietan ez agertu arren, beste guztientzat ezinbestezko dena: justizia. Munduan egoteko eta besteen bizitzarekin, batez ere gutxien mesedetuekin, solidario izateko dugun modua, bakea eta berradiskidetzearen bilaketak markatzen du. Frantziskotar espiritualitateak bere ADNan darama marka hori.

Baina jakitun gara, bakea eta berradiskidetzea ez direla soilik borondate onaren eta asmo onen fruitu. Horiez gain, beroriei laguntzen dieten baldintzak zaintzearen emaitza dira. Bake eta berradiskidetzarako justizia da baldintza nahitaezko bat; pertsonen duintasun gutxienekoa aitortzen zaien baldintza, alegia, izatera eta garatzera deituak dauden hura

izan daitezen eta egin dezaten. Injustiziazko egoeran, giza eskubide gutxienekoak ematen ez direnean, bake eta berradiskidetze hori bideragarritasunik gabea da, edo oso zaila behintzat. Bake eta berradiskidetzeak ez ditu aurrez pertsona inozo eta zentzugabeak eskatzen, bakearen eta harmoniaren izenean injustiziazko egoerei uko egiten ez dietenak. Hor ez du honako honek balio: “bakea dadin agur mari bat”.

Horregatik frantziskotar espiritualitatea ez dago justiziaren bilaketatik banandua. Benetan, bakearen bilaketaren barruan eta indarkeriarik gabeko modutan jokatu behar du; baina azken batean bilaketan, norberarekin, Jainkoarekin, eta besteekin bizitza berradiskidetu bat izateko baldintzarik hobereenen bilaketan. Joan Paulo II.ak esan zuen bezala: “ez dago bakerik, justiziarik gabe, ez dago justiziarik barkamenik (berradiskidetzarik) gabe”.

Bibliako pasartea: Am 8, 4-8

Entzun hau, zuek, behartsuak zapaldu eta jende errukarria hondatzen duzuenok. Zeuen baitan diozue: «Noiz amaitu behar ote du ilberri-jaiak, laboreak saltzeko? Noiz larunbatak, garia salmentan ateratzeko? Neurria txikiagotu eta prezioak handituko ditugu, okerreko pisuak erabiliz. Gari-hautsa bera ere saldu egingo dugu. Jende xehea dirutan erosiko dugu, eta behartsuak oinetako pare baten truke». Jakoben ondorengoen ohorea den Jaunak zin dago, ez dituela ahaztuko berorien egingtza gaiztoak. Horrekin guztiarekin, lurra bera ere ez ote da dardaratuko?

Frantziskotar espiritualtasuna

“Frantziskok pobre guztiengan Kristoren irudia ikusten zuen. Haiekin topo egitean, ez zizkien berak jasotako limosnak, beretzat beharrezko zituenak, eskuzabal ematen bakarrik, baizik eta zinez uste zuen horien benetako jabeai itzuli baino ez zuela egiten.

Behin batez, Sienatik bueltan zetorrela, behartsu bat aurkitu zuen bidean. Frantziskok, gaixo zegoela eta mantu txiki bat zeraman abituaren gainean. Gizon haren miseria begi errukitsuz ikusirik, lagunari esan zion: «Beharrezko da mantua behartsu honi itzultzea, berea baita. Izan ere, guk maileguz hartu dugu, gu baino pobregoren bat aurkitu arte». Baina laguna, aita errukitsuaren egoera larria ikusiz, ezezkoan zegoen tinko, ezin zuela inori lagundu eta bere buruaz ahaztu. Frantziskok, ordea: «Ziur nago Limosna-Emaile handiak benetako lapurtzat hartuko nindukeela, aldean daramadan mantua nik baino behar handiagoa duenari emango ez banio». Sarritan, zamak zeramatzatzen pobreekin bidean topo egitean, bere sorbalda ahula eskaintzen zien pisua arintzeko” (LeLu 8,5).

Otoitza

Jauna, eskerrak ematen dizkizugu
bakearen alde lan egiten duten gizakiengatik
eta mundu zoriontsuagoa eraikitzen
dutenengatik.
Hala ere,
sarriri telebistan sufritzen ikusten ditugu
haur, andre eta gizasemeak.
Goseak daude,
guduak zaurituak,
beren etxeetan ehizatuak,
lehergailu eta fusilek zuloz beteak.
Ikusten ditugu, halaber, inoiz
gizon eta emakumeak
sufritzen dutenen alde sakrifikatzen
eta haien zamak arintzen.

Gaizkiaren aurka borrokan dabilta,
irribarre egiten diete beldur dutenei eta ahulei,
adorea eta itxaropena ematen.
Jauna, benetan maitatzen denean,
sufrimena arinagoa da eramateko,
bidegabekeriek atzera egiten dute,
liskarrak itzaliz doaz.
Irakatsiezaguzu maitatzen, borroka eta
irribarre egiten
guregana bakea eta adiskidetzeari
hel daitezen,
itxaropenak lorea eman dezan
denen eta bakoitzaren bihotzean.

Gutuneko azken hitzak

“Zorionekoa, zerbait egiterakoan, bere gogapen eta desira baztertuz gauzak bere izate eta zuzentasunean begiratzen dituen.” (Gurutzeko San Joan)

2018ko apirileko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen dauzkate apirileko erreferentzia guztiak:

1 Jn 14, 27-31a	8 Jn 16, 5-11	15. Jn 17, 1-11a	22 Mk 9, 30-37	29 Mk 10, 28-31
2 Jn 15, 1-8	9 Jn 16, 12-15	16 Jn 17, 11b-19	23 Mk 9, 38-40	30 Mk 10, 32-45
3 Jn 15, 9-11	10 Jn 16, 16-20	17 Jn 17, 20-26	24 Lk 22, 14-20	31 Lk 1, 39-56
4 Jn 15, 12-17	11 Jn 16, 20-22	18 Jn 21, 15-19	25 Mk 10, 1-12	
5 Jn 15, 18-21	12 Jn 16, 23-28	19 Jn 21, 20-25	26 Mk 10, 13-16	
6 Jn 15, 9-17	13 Mk, 16, 15-20	20 Jn 20, 19-23	27 Mt 28, 16-20	
7 Jn 15, 26-16, 4a	14 Jn 16, 29-33	21 Mk 9, 14-29	28 Mk 10, 17-27	

Asisko Frantzisko eta Klara bizi izan ziren lekuak gogoeta eta otoitz eginez ezagutzea eskaintzen dizugu.

Bilaketa, atsedena... edo beste era bateko nekea bizitzeko aukera izan dezakezu.

ASISERA GOAZ 2018ko UZTAILAREN 4tik 11ra.

Interesa baduzu, esaguzu: 615-785328

pastoralfranciscanos@yahoo.es

Maiatzeko otoitza 31an izango da